

Na osnovu člana 16. stav 4. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj 7/10) i člana 45. stav (4), a u vezi sa članom 31. Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16) na prijedlog Ministarstva za prostorno uređenje, promet i komunikacije i zaštitu okoline – Kantonalna direkcija za ceste, Vlada Zeničko-dobojskog kantona, na 70. sjednici, održanoj dana 20.09.2016.godine, d o n o s i

ZAKLJUČAK

I.

Usvaja se Izvještaj o realizaciji Plana zaštite, održavanja, rekonstrukcije i izgradnje regionalnih cesta za period januar – juni 2016. godine Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona.

II.

Zaključak stupa na snagu danom donošenja.

Broj: 02-_____/16.

Datum, 20.09.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,

1x Kantonalna direkcija za ceste,

1x Ministarstvo finansija,

1x a/a.

BOSNA I HERCEGOVINA
Federacija Bosne i Hercegovine
ZENIČKO – DOBOJSKI KANTON
Ministarstvo za prostorno uređenje,
promet i komunikacije i zaštitu okoline
Kantonalna direkcija za ceste

IZVJEŠTAJ
o realizaciji Plana zaštite, održavanja, rekonstrukcije i izgradnje
regionalnih cesta za period januar - juni 2016.godine.

Avgust 2016. godine

UVOD

Prema prijedlogu Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline, Zaključkom broj: 02-27-7028/16 od 23.03.2016. godine, Vlada Zeničko-dobojskog kantona dala je saglasnost na Plan zaštite, održavanja, rekonstrukcije i izgradnje cesta za 2016. godinu.

Sredstva za realizaciju Plana za održavanje, zaštitu, obnovu, rekonstrukciju i izgradnju regionalnih cesta na području Zeničko-dobojskog kantona, obezbjeđena su iz namjenskih sredstava u Budžetu Zeničko-dobojskog kantona za 2016. godinu.

Shodno odobrenim namjenskim sredstvima za realizaciju poslova održavanja, zaštite, rekonstrukcije i izgradnje regionalnih cesta u 2016. godini, Kantonalna direkcija za ceste je uz saglasnost ministra Ministarstva sačinila prijedlog godišnjeg plana.

U skladu sa zatečenim stanjem regionalnih cesta na početku planskog perioda na osnovu planiranih budžetskih sredstava za pozicije tekućeg i vanrednog održavanja, u godišnjem planu prikazano je izvršenje sljedećih poslova na regionalnim cestama :

- građevinski radovi na redovnom održavanju regionalnih cesta, sa finansijskim pokazateljima za sve pojedinačne stavke građevinskih radova;
- potrebni radovi i aktivnosti na održavanju regionalnih cesta u zimskom periodu;
- listu prioriternih radova na rekonstrukciji i vanrednom održavanju regionalnih cesta sa planiranim vrijednostima sredstava;
- planirane aktivnosti na izvršenju hitnih intervencija na javnim cestama;
- usluga stručno-tehničkog nadzora kod izvršenja ugovorenih građevinskih radova;
- izrada projektne dokumentacije za planirane poslove rekonstrukcije i izgradnje cesta i cestovnih objekata.

Izvršenje planiranih poslova redovnog i vanrednog održavanja regionalnih cesta, povjereno je izvođačima radova koji su odabrani nakon provedene javne licitacije definisane odredbama Zakona o javnim nabavkama BiH, sa kojima je zaključen okvirni četverogodišnji Sporazum o uslovima i načinu održavanja regionalnih cesta.

Okvirni sporazum zaključen sa izvođačima radova sadržava jedinični cijenovnik potrebnih radova svih propisanih vidova održavanja regionalnih cesta na području Kantona.

Obzirom da je ove godine istekao Okvirni sporazum o redovnom održavanju za većinu cesta pokrenuta je procedura odabira izvođača radova putem Zakona o javnim nabavkama BiH.

Izrada projektno-tehničke dokumentacije i stručno-tehnički nadzor nad izvršenjem ugovorenih radova rekonstrukcije i izgradnje regionalnih cesta i cestovnih objekata, povjereni su preduzećima koja su odabrana u skladu sa Zakonom o javnim nabavkama BiH.

Za izvršenje radova rekonstrukcije i izgradnje cesta prema godišnjem Planu, izbor izvođača radova je izvršen u skladu sa odredbama Zakona o javnim nabavkama BiH.

UTROŠAK SREDSTAVA

Budžetom Zeničko-dobojskog kantona za 2016. godinu utvrđena su sredstva na pozicijama “Tekuće održavanje” u iznosu od 6.000.000,00 KM i “Rekonstrukcija i izgradnja cesta i cestovnih objekata, izrada projektne dokumentacije i stručno tehnički nadzor” u iznosu od 2.000.000,00 KM

Planirana vrijednost sredstava	Planirana vrijednost/KM
I. Održavanje regionalnih cesta	6.000.000,00
-zimsko održavanje regionalnih cesta	1.165.000,00
-redovno održavanje regionalnih cesta	3.630.000,00
-održavanje dijela regionalnih cesta kojim prolazi željeznička pruga	50.000,00
-usluge održavanja cestovne baze podataka	20.000,00
-finansiranje ugovorenih obaveza iz 2015. godine	1.135.000,00
II. Rekonstrukcija i izgradnja cesta i cestovnih objekata, izrada projektne dokumentacije i stručno-tehnički nadzor	2.000.000,00
-finansiranje ugovorenih obaveza iz 2015. godine	155.190,00
-rekonstrukcija i izgradnja cesta i cestovnih objekata	1.644.810,00
- izrada projektne dokumentacije	200.000,00

Na poziciji tekućeg održavanja - ekonomski kod 6137, utrošak sredstava u odnosu na planirana sredstva iznosi 22,44 %, a na poziciji rekonstrukcije, izgradnje i projektovanja – ekonomski kod 8216, procenat izvršenja je 15,23 %.

Nizak procenat izvršenja na poziciji tekućeg održavanja nastao je zato što su na četiri lot-a istekli Okvirni sporazumi za prethodne 4 godine (19.07. 2016. godine), a nove nismo još potpisali zbog žalbenih procedura u postupku javnih nabavki za radove.

Zaključkom Vlade Zeničko-dobojskog kantona broj: 02-27-7028/16 od 23.03.2016 godine data je saglasnost Kantonalnoj direkciji za ceste u sastavu Ministarstva za prostorno uređenje, promet i komunikacije i zaštitu okoline na Plan zaštite, održavanja, rekonstrukcije i izgradnje regionalnih cesta za 2016 godinu.

Kantonalna direkcija za ceste donijela je Odluku o pokretanju otvorenog postupka javne nabavke radova broj: 12/08-27-7013/16, od 30.03.2016 godine o redovnom održavanju regionalnih cesta za naredne 4 godine za koji je zaključen Okvirni sporazum sa rokom važenja do 19.07.2016 godine. Imajući u vidu složenost i dužinu trajanja procedura izbora izvođača radova Direkcija za ceste pokrenula je postupak u martu mjesecu, odmah nakon usvajanja Plana zaštite, održavanja, rekonstrukcije i izgradnje regionalnih cesta za 2016 godinu od strane Vlade Zeničko-dobojskog kantona, a prije isteka roka važenja Okvirnog sporazuma. Procedura odabira izvođača radova pokrenuta je u martu mjesecu i nije okončana do danas.

Za Lot (R 474 Perković – Novi Šeher – Tešanj – Prnjavor (granica entiteta); R 465 Žepče – Zavidovići – Maglaj – Doboj (granica entiteta)) nije uložena žalba, dok su na ostale Lot-ove uložene žalbe, tako da je procedura u žalbenom postupku na koji Kantonalna direkcija za ceste ne može da utiče.

Na poziciji rekonstrukcije, izgradnje i projektovanja pokrenuta je procedura implementacije za sve planirane projekte. Okončana je tenderska procedura i potpisani Ugovori o izvođenju radova na sanaciji klizišta “Kapija” na regionalnoj cesti R 444 Breza – Vareš, rekonstrukciji dionice regionalne ceste R 445 u naselju Karaula, općina Kakanj, rekonstrukciji dionice regionalne ceste R 467 u općini Olovo. U toku je izvođenje radova na ovim projektima. Objavljeni su tenderi za nabavku radova za most na rijeci Mala Maoča na regionalnoj cesti R 467 Zavidovići –

Olovo, sanaciju klizišta na R 467 Zavidovići – Olovo i sanaciju klizišta na R 466 Zavidovići – Kamenica.

REKAPITULACIJA REDOVNO ODRŽAVANJE (PLAN 2016/IZVRŠENJE januar – juni 2016)		
Naziv pozicije	Plan 2016	Izvršenje 2016
Zimsko održavanje regionalnih cesta 2015/2016	1.165000,00	738.525,40
Redovno održavanje regionalnih cesta 2016	3.700.000,00	1.053,10
Obnova i vanredno održavanje regionalnih cesta 2014	0,00	0,00
Finansiranje ugovorenih obaveza iz 2015	1.135.000,00	606.809,64
SVEUKUPNO:	6.000.000,00	1.346.388,14

Procenat izvršenja je 22,44%

REKAPITULACIJA REKONSTRUKCIJA I INVESTICIONO ODRŽAVANJE (PLAN 2016/IZVRŠENJE januar – juni 2016)		
Naziv pozicije	Plan 2016	Izvršenje 2016
Finansiranje ugovorenih obaveza iz 2015 godine	155.190,00	119.924,46
Rekonstrukcija i izgradnja cesta i izrada projektne dokumentacije	1.844.810,00	184.581,02
SVEUKUPNO:	2.000.000,00	304.505,48

Procenat izvršenja je 15,23%

Broj: 12-27-7028-I/16.

Datum, 24.08.2016. godine

Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Kantonalna direkcija za ceste,
1x Ministarstvo finansija,
1x a/a.

DIREKTOR

Refik Zeković